

REGVLA S. AVGVSTINI
ET
CONSTITVTIONES
FR. ORDINIS PRÆDICATORUM

Nunc recenter reimpressæ

Iussu Reuerendiss. Patris ANTONINI CLOCHE,
ciusdem Ordinis Magistri Generalis.



ROMÆ, M. DC. XC.

Typis Nicolai Angeli Tinassij. Superiorum permisso.

FR. ANTONINVS C L O C H E

Sacrae Theologiae Professor, ac totius Ordinis
Fratrum Prædicatorum humilis Magister
Generalis, & Servus.

*Universis, & singulis eiusdem Ordinis Patribus,
ac Fratribus salutem in Domino, ac solli-
citam Legum nostrarum custodiam.*



INTER plurima, quæ pro stabiliendo magis Ordinis nostri communni bono, in præterito proximè Capitulo à Patribus proposita, & necessaria existimata sunt, illud non postremum omnibus visum est: ut nova Constitutionum nostrarum editio studiosissimè curaretur; cùm jàm distractis aliarum omnium editionum exemplaribus, jàmque usu consumptis, per pauca, in quibus Religiosi suas Leges addilcant, reperiantur. Hinc etiam sperandum fore existimatum est, ut facilius resectis quarumdam Provinciarum, vel Conventuum pravis consuetudinibus, ad uniformem observantiam omnes reuocarentur: si exhibitis novis, majorique nu-

I N C I P I T

REGVLA

B. AVGVSTINI

EPISCOPI.



Ntè omnia , Fratres charissimi, diligatur Deus, deindè proximus, quia ista præcepta sunt principaliter nobis data . Hæc igitur sunt, quæ ut observetis præcipimus, in Monasterio constituti . Primum propter quod in unum estis congregati, vt vnanimes habetis in Domino: & sit vobis anima vna, & cor vnum in Deo . Et non dicatis aliquid proprium; sed sint vobis omnia communia . Et distribuatur unicuique yestrum à Præposito vestro iæctus, & tegumentum ; non æqualiter omnibus, quia non æqualiter valetis omnes, sed potius unicuique prout cuique opus fuerit . Sic enim legitis in actibus Apostolorum, quia erant illis omnia communia , & distribuebatur unicuique prout cuique opus erat . Qui verò aliquid habebant in seculo, quando ingressi fuerint Monasterium, libenter velint illud esse commune . Qui autem non habebant, non ea querant in Monasterio, quæ nec foris habere posse-

PROLOGVS IN LIBRVM CONSTITUTIONVM

Fratrum Ordinis Prædicatorum.



VPIENTES nonnulla loca Constitutionum nostri Ordinis Prædicatorum declarare, à titulo exordium sumendum esse censemus: declarantes, quod hoc Nomen PRÆDICATORUM, fuit Ordini nostro impositum à Papa Innocentio III. per literas, quas direxit Beato Patri DOMINICO, & Sociis ejus: & ab Honorio III. fuit hoc nomen approbatum, & à Gregorio IX. in Bulla Canonizationis Beatiss. Patris DOMINICI confirmatum; ac demum ab aliis Pontificibus commendatum: qui miris laudibus, & præclarissimis privilegiis prædictum Ordinem exornarunt. Vnde Dominus Alexander IV. in laudem, & commendationem præfati Ordinis sic dixit. Cœlestis ille Agricola summus auctor fidei, præcipiusque protector, sacrum Fratrum Prædicatorum Ordinem, quasi lignum fertile in Ecclesiæ Paradiſo inseruit, ut delectaret amoenitate, ubertate satiaret, & fructuum suavitate mulceret. Hoc itaque specio-

sum, fœcundum, ac dulce lignum, imbre superno irrigatum, pulchra plurima, ac dulcia pomæ profert: quorum odore, ac sapore confortantur, & conualeſcent debiles, varijsque denti languoribus liberantur. In hoc vtique vitæ ligno mortales homines carnis infirmitatibus prægravati, pabulum salutis innueniunt, & internam recipiunt fospitatem. Huius inquam ligni percepta fragrantia, vndique ad libamen ipsius concurrunt innumeri Professores fidei: qui assidue illo perfruentes, & eius salutaribus fructibus conuescentes, de ipsorum prægustata dulcedine, ministrant & ipsi alijs, suavia libamenta salutis. Hæc est illa generosa plantatio, quæ ramos suos vndique expandens, flores plurimos honoris, & honestatis, fructusque uberrimos doctrinæ profert, & virtutis; & odorem sanctæ, ac laudabilis conuersationis longè, latèque diffundit. Hic est Ordo Sacer Prædicatorum, honestate floridus, præclarus scientiæ, virtute fœcundus, à Sede Apostolica merito approbatus: qui inter-

I N C I P I V N T

CONSTITUTIONES

Sororum Ord. Prædicatorum.

P R O L O G V S.



VONIAM ex præcepto regulæ iubentur Sorores habere cor vnum, & animam vnam in Domino: iustum est; ut quæ sub una Regula, & vnius professionis voto viuunt, vniiformes in obseruantia canonice Religionis inueniantur: quatenus vnitatem quæ interius seruanda est in cordibus, foueat, & repræsentet vnititas exterius seruata in moribus. Quod profectò eò competentius, & plenius poterit observari, si ea quæ agenda sunt, scripto fuerint commenda: si omnibus qualiter sit viueendum scriptura teste innotescat; si mutare, vel addere, vel minuere nulli quidquam propriâ voluntate liceat; ne si minima negligant, paulatim defluant. Ad hoc tamen in Conventu suo quæ præest, dispensandi cum Sororibus habeat potestatem, cum sibi aliquando videbitur expedire: nisi in his in quibus Magister Ordinis, vel Prior Provincialis, vel eorum Vicarij ex causa aliter ordinarent. Priorissa etiam vtatur dispensationibus, sicut & aliæ Sorores. Ut igitur vnitati, & paci Sororum prouideremus, librum istum quem Constitutionum appellamus, diligenter conscripsimus: per certa Capitula infra scripta distinctum, vt quod quæretur facilius inueniatur. Declaramus autem, quod Constitutiones non obligent Sorores ad culpam, sed ad poenam tantum, nisi propter præceptum, vel contemptum.

INCIPIVNT

COMPENDIOSA

CHRONICA

REVERENDISSIMORVM

MAGISTRORVM

GENERALIVM

Ordinis Fratrum Prædicatorum.

OMINVS noster , & Saluator Iesus Christus , verus Samaritanus , infundens misericordissimè sauciato , vulneribus pleno vinum , & oleum , immò vt verus pater - familias messēm videns quamplurimam , operarios autem paucos ; nouissimè diebus istis misit operarios in messēm suam . Posuit quoque messores ad fructus vberes in agro Dominico colligendos , Fratres de Ordine Prædicatorū , qui prædicando verbo pariter & exemplo , confessione's audiendo , ac per alia virtutum exercitia , Hæreticorum propulsarent vitia , & extirparent ; mundum errabundum verbo doctrinæ illustrarent , tenebris profugatis . Qui supradicti Fratres cùm adhuc floruit charitas , affuit benignitas , viguit hominum compassio , in spiritus fero're , abiectis sarcinis mundanarum facultatum , calceati pedes in præparatione Euangelij , pro proximorum salute multis laboribus , & vigilijs , ac periculis , non solum apud Christianorum nationes , verùm in diuersarum ragionum partes se disperserunt ; morti se pro Christo exposuerunt , & quotidiè perseverant reddere Domino populum acceptabilem : etiam in terris

A

Infi-